

آبونه شرائطی

ممالك عثمانیه ده سنه لکی (۶۵)، آلتی
آیلغی (۳۵) غروشدر.
ممالك اجنیه ده سنه لکی (۸۰)، آلتی
آیلغی (۴۵) غروشدر.

اداره خانه

باب عالی جاده سننده دائرة مخصوصه

اخطارات

آبونه بدلی پشیندر.

مسلكه موافق آثار مع المومنه قبول
اولنور . درج ابدله یزیر اعاده
اولونماز .

الکمال

۱۳۳۴

دینی ، فلسفی ، علمی ، ادبی هفته لقی مجموعه اسلامیه در

صاحب و مدیر مسئول

باش محرر

اشرف الیوب


محمد شا کف

والله یهدی من یشاء الی صراط مستقیم

اتبعون اهدکم سبیل الرشاد

مقصد : جناب حق هم سکا ؛ هم سکا اتباع ایندین مؤمناره کافی دیمکدر . یوقسه سکا هم جناب حق ، هم مؤمنین کافیدر دیمک دیکدر .
ازمیرل

اسماعیل حق



دین اسلام

اسلام، علیه الصلاة والسلام افندیز حضرتلری طرفندن تبلیغ بویورولوب او نبی محترمک اصحاب کرامیله اونلرک معاصرلرنجه ضبط اولونان دین میندرکه برمدت آرده هیچ برزاع، هیچ برکفتلی تأویل، هیچ بر تفرقه میلی ظهور ایتمکسزین احکام جلیلهسنه مراعات اولوندی . بن بو مقاله مده اونی محلاً بیلدیره جکم . تفصیلی ایسه، کتاب الله امتثالاً، بصیرت صاحبلییه براقه جقم . سویله یه جکم سوزلرده سندم کتاب ایله سنت صحیحهدن ، برده صحابه کزینک مسلك و طریقترلرندن باشقه بر شی اولمایه جقدر .

دین اسلام جناب حق ذاتنده و افعالنده توحید ایله مخلوقاتدن برینه مشابعت شائبهسندن تنزیه اساسی اوزرینه نازل اولمش؛ صوکر ا بو کونک بر خالق اولوب او یکانه خالقک علم ، قدرت ، اراده و سائر کبی ینه کندی آثار صنعندن استدلال اولونان بر طاقیم صفات جلیله ایله متصف اولدیغنه؛ کذلک مخلوقاتندن هیچ بر شیک کندیسنه شیه اوله مایه جغه؛ اونلرله کندی آرهسنده کی نسبت کندیسنک اونلری موجد ، اونلرک ایسه کندیسنه عائد و راجع اولملرندن باشقه بر شی اوله مایه جغه دلیلار اقامه ایتمشدر . « قل هو الله احد ، الله الصمد ، لم یلد ولم یولد ولم یکن له کفو احد »

کتاب اللهده وارد اولان « وجه » ، « یدین » ، « استوا » کبی الفاظه کلنجه بونلرک کندیلرینه مخصوص معنای و اوردکه قرآن ایله ایلك مخاطب اولانلر اونلری تمامیله ادراک ایدرک اصلاً اشتباهه دوشمه مشلدر . الله ذوالجلال ذات و صفات فوق الحیالی ایچون مخلوقاتندن برینک جسدنده ، یاخود روحنده ظهور ایلك محالدر . الله قوللری آرهسنده دیله دیکنی مراد بویوردینی مقامه اصعاد ایچون ینسه کندی دیله دیکنی قدر علم و قوتله ممتاز ایتمشدر . و بوتون بونلر علم ازیلسنده وضع و تقدیر بویوردینی قانون الهیسی مقتضاسنجه جریان ایتمکده درکه او قانونه نه تبدیل طاری اولور ، نه ده تغیر یا قلاشه بیلیر .

دین اسلام شو معتقداتک هیچ برینی دلیل و برهانسز قبول ایتمهی بوتون ذوی العقوله منع ایتمشدر . بو برهان ایسه مقدماتی حس ایله آکلاشیلان محسوساته ؛ برده ایکی نقیضک اجتماعنده ، یاخود ایکیسنک بردن ارتفاعنده کی استحاله کبی، یاخود کلک جزءدن

بویوک اولسنک قطعی کبی وضوح اعتباریله محسوساتدن آشای قالمق سویله طورسون ، دها فوقنده بولونان بدیهیاته منتهی اولان قسمندن اوله جقدر . صوکر ا بو ممتاز اولان مخلوقلرده دیکرلرندن فرقسز و اونلرکده سائرلری کبی نفسلری حقنده نفع و ضرردن عاجز اولوب غایق کندیلرینک مظهر تکریم اولان عباد زمرهسندن اولملری و اللرندن حیقان هرایشک بر موضع مخصوصده و بر امر مخصوص الهی ایله ظهوره کلنی تقدیر سبحانی مقتضاسیدر .

« والله اخرجکم من بطون امهاتکم لاتعلمون شیئاً وجعل لکم السمع والابصار والاقدة لعلکم تشکرون » آیت جلیلهسنی تأمل ایدم . معلومدرکه « شکر » - لغت عربده - بر نعمتی انعامندن مقصود اولان جهته صرف ایتمک معناسنده . ایشته کتاب الله بویله بر آیت کریمه ایله بیلدیریورکه جناب حق بزه بر طاقیم حواس و یرمش ، بزی بر طاقیم قوتلرله مفطور ایتمشک بزو احواس و قوایی، آنجق اونک موهبسی سایهسنده ، خلقتلرندن مقصود اولان جهتلره صرف ایدیورز . بناءً علیه هر فرد - ایستره لهنده اولسون، ایستره علینده اولسون - کندی عملنک بالذات کاسی در . لکن ادراکاتمک عاجز ، قواممک قاصر قاهره اوتده بر دست قهارک ، یاخود عجزک امدادینه یتیشه جک بر قدرت رهاکارک وجودینی و بو موجود فوق الحیالک کندیزه مسخر اولان قوای معروفه نک فوقنده اولوب اونک حضور عظمتنده خضوعه وارمق و بویله مشکل زمانلرده کندیسندن استعانه ایتمک لزومنی نفسلرمز حس ایدنجه بو خضوع و استعانه نک مرجعی انجق بر ذات اوله بیلیرکه اوده الله ذوالجلال حضرتلریدر . دنیاده بویله اولدینی کبی عقباده ده اعمال طیبه نک قبولی ، یاخود افعال سیئه نک غفرانی خصوصنده اللهدن باشقه ملتجا یوقدر . یوم جزانک ملک و مالکی آنجق اودر .

ایشته بو صورتله پت پرستلکه صورت و شکل اعتباریله فرقی اولسه ده حقیقتده اونک عینی بولونان عقایدک کوکری سو کولوب آتیلدی . بونک نتیجه سی اوله رق عقول بشر اوعقیده باطله نک لوازمندن اولان اوهام فاسده دن تمیزلندی . روحلر بو اوهامک تولید ایتدیکی مالکات سیئه دن تنزه ایدرک بو سایه ده معبودلر حقنده و معبودلر سبیلده دوجار اولقده بولندینی اختلافدن قور تولدی . انسانیتک موقعی یوکسلدی ؛ قیمتی فطرت کریمه سی نسبتنده شرفلندی . آرتیق کوکری ، یرلری یارادان خالق ذوالجلالندن باشقهسنه خضوع کوسترمن اولدی ؛ هر سه ابراهیم علیه السلام کبی « انی وجهت وجهی للذی فطر السموات والارض خفیاً وما انا من المشرکین » ندای توحیدینی یوکسلتمک و علیه الصلاة والسلام افندیزک امر اولوندقلری وجهله « ان صلواتی و نسکی و حیای و مماتی لله رب العالمین . لا شریک له وبذلک امرت وانا اول المسلمین » دیمک فرض اولدی .

مرحوم

شیخ محمد عبده

یتیمه دی